

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

3. Præsentatas pridem &c. Bulla ad litteras, & Nuncios Regis responsoria  
de Treugis, & de attemptatis contra Treugas, ac super variis hinc inde  
tractatis, pacem bellumque tangentibus; anno 1345.
- 

[urn:nbn:de:hbz:466:1-74452](#)

ANNO  
1345.II.  
Ex Arch.  
Angliae  
Rymar  
Tom. 5.  
pag. 439.

Ad Regem Anglie, quod inclinet animum ad pacem: adjiciens nova tangentia Turcas: anno 1345.

## CLEMENS EPISCOPUS,

Servus Servorum Dei, carissimo in Christo Filio Eduardo, Regi Angliae illustri, Salutem & Apostolicam benedictionem.

Dudum afflictionibus variis & diris oppresionibus, quibus illi hostes ferociissimi, Turcae vid. Persecutores & Blasphemi nominis Christiani persecuti fuerant immaniter, & persequi continuo non cessabant Fideles Christi, ejus pretioso redemptos sanguine in Romania, ac partibus aliis Transmarinis circumadjacentium Regionum degentes, anxiis relatibus saepius repetitis, non sine vehementi dolore cordis auditis, paternas pietatis & compassionis viscera nequivimus continere, quominus eisdem Christianis, qui ab eisdem Turcis tam per terram, quam per mare hostiliter laceabantur, quasi continuo spoliabantur, vulnerabantur, interficiebantur, & nonnulli utriusque sexus sub captivitate Turcharum ipsorum miserabiliter vendebantur ut pecudes, & ad abnegationem Fidei Catholicae, pro dolor cogebantur, provide de succursu aliquo & defensione contra tam abominabilem & ignominiosam toti Christianitati savitiam curaremus. Quamobrem manus sub divina miserationis auxilio ponentes ad fortia auxilia, tam per vos, quam per carissimum in Christo Filium nostrum, Regem Cypri illustrem, ac dilectos Filios, Magistrum & Fratres Hospitalis Sancti Johannis Ierosolimitani, Duxem & Commune Veneriarum, & quosdam Fideles alios praeflita, certum Galarum Stolum hominibus armigeris & aliis rebus necessariis sufficienter munitionem, ad partes illas pro succursu & defensione praeditorum Fidelium, & repressione hostium, sub Principali Gubernatione ac Regimine Venetabilis Fratris nostri Henrici Patriarchae Constantinopolitani, Apostolicæ Sedis in partibus illis Legati, ordinavimus destinandum. Et licet armata Stoli potentia hujusmodi, cum nonnullis Fidelibus, in auxilium Christianorum & conciliationem dictorum infidelium, illuc fervore devotionis accedentibus, multum represerit crudelitatem & savitiam hostium corundem; tamen his diebus præteritis, divinâ clementia, quæ nunquam cessat in suis Fidelibus, & spem suam in ea figentibus, à benedictionibus gratiarum, suæ dexteræ potentiam uberiori extendeante, prefatus Patriarcha cum eodem Stolio, & multis viris fidelibus strenuis, ejusdem zelo Fidei Orthodoxæ accensis, ad civitatem Smirnae, locum uniuersum fortissimum, & portum mari habentem optimum, in quibus praeditorum Turcharum gens, nationis foetidae, specialiter, sicut intelleximus, spem suæ feritatis ponebat, & inde majora damna intulerant, & inferre poterant Fidelibus antedictis, accessit; Et quamquam civitas ipsa, intra & extra, cum portu prædicto, munita esset innumerâ multitudine Paganorum, inter quos erat Marbaxanus, Dux & Rector magnus ipsorum, felix tamen Christianorum exercitus, in quo pauci erant respectu multitudinis infidelium praeditorum, in virtute illius, à quo est omnis virtus & Victoria, intrepide contra Paganorum Exercitum ac fortiter

ANNO  
1345.III.  
Ex Arch.  
Angliae  
Rymar  
Tom. 5.  
pag. 405.

& strenue irruens, post conflictus aliquos, eisdem devictis gloriose Fidei hostibus, civitatem eandem, cum portu, & fortalitiis suis, posuit divina providentia, quæ in sua dispositione non fallitur, in manibus populi Christiani, dictusque Patriarcha, eliminata exinde Paganici erroris spurcitia, fecit ibidem ad laudem & gloriam divini Nominis, exaltationem Catholicæ Fidei, & consolationem ejusdem populi Christiani, divina officia celebrari, ac fortificari & muniri civitatem eandem, ut Fideles, qui ad acquirendas terras Paganorum partium earundem, & sub cultum Orthodoxæ Fidei reducendas laborare pro suarum animarum salute voluerint, ad ipsam civitatem & portum ipsius applicandi solidum & optimum valeant reclinatorum reperire. Nos autem, tam per litteras ejusdem Patriarchæ, quam aliorum Fidei-dignorum, nec non & quorundam exinde venientium relatis, hujusmodi victoria triumphali, quam de sede sua magnitudinis dedit Altissimus, cum ingenti lætitia plenus intellectu, tantorum collatorum donorum in humilitate spiritus exsolvere curavimus vitulum labiorum, & tam per processiones, quam sermones ad Clerum, & populum, laudes fecimus solemnitatem Domino decantari. Porro de hujusmodi victoria, dilectus Filius, nobilis Vir, Johannes Bonde Domicellus, de partibus illius veniens, & ad tua Regalis Excellentiae præsentiam se conferens, qui præsens in ea exitit, & super gestis per eum inibi laudabilibus multipliciter commendatur, eandem Excellentiam facere, viva voce, poterit plenus certiori. Rogamus itaque Serenitatem Regiam, & attentius in Domino exhortamur, quatenus quæ, quanta, & qualia Principes Catholicci, ad ejusdem dilatationem Fidei, ac suæ salutis & honoris augmentum, possent agere his temporibus, si guerris & dissensionibus suis cessantibus, intendere circa talia procurarent, consideranter attendens, tu Fili carissime, quem ad talia & similia inter cæteros Principes Catholicos Orbis terre aptum, convenientem, & idoneum reputamus, ad vias pacificas, super guerris tuis, animum Regium dirigas, habiles, effectualiter & inclines; ut in his, quæ Dei sunt, tuisque honoris & salutis congruant, intendere, sicut desideranter affectamus, sicutque vires tuæ fortitudinis valeas exercere, ut post cursum vita præsentis de Regno temporali, quod obtimes, coronam Regni merearis accipere sempiterni.

Datum Avignon. Kal. Februarii, Pontificatus nostri anno tertio.

G. de Aula.

Bulla ad litteras, & Nuncios Regis responsoria de Treugis, & de attemptatis contra Treugas, ac super variis hinc inde tractatis, pacem bellumque tangentibus: anno 1345.

## CLEMENS EPISCOPUS,

Servus Servorum Dei, carissima in Christo Filio Eduardo, Regi Angliae illustri, Salutem & Apostolicam benedictionem.

Præsentatas prident Apostolatu nostro Celititudinis tuæ litteras receperimus, quarum serie per nos intellecta ipse nobis litteræ admirationis, ne dicamus turbationis materiam præbuerunt. Quæ quidem litteræ effectualiter continebant quod: Licet super dissensionibus

ANNO  
1345.

& guerris inter Te, Fili carissime, ac carissimum in Christo filium nostrum, Philippum Regem Francie illustrem, suscitatis, tu, pro vitandis damnis & periculis procedentibus ex eisdem, plures vias pacis obtuleris Regi praedicto, ut posles, si cut affectabas, in palfagio Transmarino nostro obsequiis intendere Redemptoris. Ipsi tamen, te per verba protrahebas, nihil facere voluit in effectu, sed pendebat simulatis tractatibus tibi procuraverat multa damna. Propter quod Tu, volens ius tuum prosequi, ad partes Britanniae te conferre cum armata potentia, ut affiseris, curavisti, ubi, Te guerram contra Regem faciente praedictum, supervenerunt Venerabiles Fratres nostri, Petrus Praenestinus, & Ambaldus Tusculanensis Episcopi, Apostolicas Sedis Nuncii per nos missi. Quibus tractantibus & mediantibus inter Te ac Regem eundem initae fuerunt invicem Treugae ac firmatae, duraturae usque ad certum tempus, infra quod, coram nobis, de Pacis concordia mutua cum Nuncii hinc inde destinatis interim tractaretur. Ita quod Treugae ipsa ubique infra potestatem partium, & specialiter in Ducatu Britannia, inter Te ac Regem ipsum, & utriusque vestrum adhaerentes, etiam ius in eodem Ducatu Britanniae te habere prætenderent, servarentur. Quodque omnes Coadjutores & alligati utriusque partis in tali possessione rerum & bonorum suorum, quam erant tempore quo initae fuerunt Treugae, ipsis durantibus remanerent; certis aliis modis & conditionibus appositis in eisdem Treugis pleniis & expressis. Et subjungitur præterea in eisdem, quod, cum tecum sub spe Treugarum hujusmodi, pacis arridente fiducia, Tu, dimissis paucis aliquibus in Britannia, in Angliam rediisse, tuosque, super Tractatu pacis praedictæ, Nuncios ad nostram presentiam destinas, Supervenerunt tibi nova, non parum pungentia mentem tuam, de morte, videbile, quorundam nobilium captorum in Britannia de mandato speciali dicti Regis, & ultimo supplicio Parisiis traditorum: nec non de strage ac depopulatione magna fidelium & subditorum tuorum in Britannia, Vasconia, & locis aliis, tractatibusque subdolis & occultis cum alligatis & subditis tuis habitis, quos tibi auferre, sibique nitebatur atrahere Rex praedictus, & alii injuriis & novitatis, per terram & mare contra dictas Treugas attemptatis, per quem Treugas ipsas per partem Regis ejusdem reputabas penitus dissolutas. Et quavis, sic ipsis Treugis dissolutis, guerram potuisse per culpam partis alterius refumisse, ad vitanda tamen guerrarum ipsarum discrimina, si posses reformationem obtinere attemptatorum hujusmodi cupiens experiri, diversis vicibus diversos tuos Nuncios, tam ad tractandum super pace praedicta, quam ad petendum reformationem attemptatorum praedictorum ad nostram destinasti praesentiam, & statutos super hoc terminos prorogasti, resumendi guerram potestate tibi nihilominus reservata. Et quia jam statuti elapsi sunt termini ad tractandum, & nulla via pacis rationabilis Tibi vel eisdem Nuncii fuit aperta, nec Rex praedictus attemptata hujusmodi, licet per nostras literas requisitus plures, revocare, sed multiplicare curavit contra te injurias & offensas; ut taceres de multis excessibus, per Nuncium nostrum, ad dictas partes Britanniae pro faciendis observari praedictis Treugis definitum, partem contra Te ac tuos affumendo, commissis; super quibus, ut dicebas, Nos, licet requisisti, Remedium minimè curavimus adhibere. Apud Deum, & sanctam Ec-

clesiam ac Populum debes excusatus haberi, si hujusmodi vim & injuriam, cum aliud, ut proponebas, non repertas Remedium, praesertim ut causam justam te habere afferas, propulsare procuras. Quamobrem ut reputans Treugas praedictas ex causis praemissis, quas scis, & loco ac tempore probare intendis, si oportuerit, esse veras, per praefatum Regem, & adhaerentes suos, esse, maxime in dicto Ducatu Britanniae, dissolutas, dicendo, ut cum pace ac reverentia nostra loquaris, Regem eundem, tanquam Vialatorem Treugarum ipsarum, ac inimicum & persecutorem tuum capitalem, & tuorum invasorem Juriū, diffidabas; protestando nihilominus te nolle in offendam nostram vel Sedis Apostolicæ, quos revereri cupis ut debes, nec in aliquis injuriam aliquid attempare, sed solum cum ordinato moderamine Jura tua prosequi & defendere Te ac tua.

Ideoque Apostolicæ Rectitudini quæ metitur singulis æquâ librâ, devotius & humilis, quo poteras, supplicabas, ut praemissis in examen debitæ considerationis adductis, de te benignè sentire, teque dignaremur habere super his excusatum. Nam praemissa te facere afferis propter defecum Remedi & invitum, ad pacem te offerens, cum eam habere poteris bono modo. Sanè, Fili dilectissime, novit Altissimus qui scrutator est cordium & cognitor secretorum, quod postquam ad summi Apostolatus apicem divina misericordia nos provexit, ad concordiam inter te & eundem Regem procurandam fideler laboravimus, omni singulari affectione postposita, & adhuc offerimus, non parcendo laboribus aliquis negotiis praetermissis, prout tua Celsitudini per nostras tibi missas litteras credimus esse notum. Postquam autem initæ fuerunt dictæ Treugæ inter Te dictumque Regem, quæ nobis gaudium non modicum attulerunt, sperantes ex ipsis pacis reformationem perpetuam postmodum provenire, nostro frustrati sumus desiderio usque queaque; confidimus tamen in Domino, quod illud, quod nondum factum extitit, donante ejus gratia, poterit imposterum prosperari. Porro quia illi, qui dictas tuas nobis missas litteras dictarunt, rei veritatem forsitan ignorabant, multa posuerunt in eis, & aliqua tacuerunt, in quibus erraverunt notabiliter, factum taliter recitando. Novit enim tua Sublimitas, quod licet tractatum & ordinatum in eisdem Treugis extisset, ut pro pace tractanda solennes Nuncii, quorum effenti aliqui de Prospria regalis generis ad nostram praesentiam mitterentur hinc inde, prælibatusque Rex Francie suos Nuncios solennes, inter quos erant, dilecti Filii nobiles Viri, Petrus Dux Borboneſi, & Humbertus Delphinus Viennensis, de genere Regio, & multi alii Pralati, & magna auctoritas Viri, prout ordinatum extiterat, cum mandatis sufficientibus destinavit, qui se ad procedendum in Tractatu pacis hujusmodi multum voluntarios exhibebant. Tu tamen Filii amantissem, quamvis aliquos, inter quos non erat aliquis de Prospria regali, nisi dilectus Filius nobilis Vir, duntaxat Johannes de Grilaco, miseris; idem tamen Nobilis, sine alius Nuncii majoribus, tam de genere tuo regio, quam alii, quos ad nostram praesentiam venturos dicebat, nec procedere nec expectare voluit, sed potius de Curia Romana recessit, qui nec rediit, nec alii de genere tuo praedicto, tui postmodum Nuncii advenerunt. Considereretur igitur tua regalis Prudentia, si per nos, aut partem dicti Regis, vel tuam steterit, quo minus ad tractatum processum fuerit dictæ Pacis. Rursus, super eo,

quod,

ANNO  
1345.

A N N O  
1345.

quod, propter captionem & punitionem illorum nobilium, in eisdem litteris afferunt prædictæ Treugæ violatæ, alia tua Magnificentia scripsisse, & tuis Nunciis dixisse, meminimus, quod prefatus Rex ad investivas litteras nostras, missas sibi super hoc, sic respondit, quod illi Nobiles, violando ipsas Treugas manifestè in partibus Britanniae, ac homicidia, depopulationes, incendia, & alia horrenda maleficia committendo ibidem, flagrantibus hujusmodi & alius criminibus capti, propter præmissa & alia sua facinorosa sceleræ, & deinde puniti, exigente justitia, extiterunt; quodque dicti Nobiles afferabant, se non tecum, sed cum dilecto Filio, Nobili Viro, Johanne de Brittannia, Comite Montisfortis, confederaciones habere. Qui quidem Comes, tunc existens Parisiis, se etiam tecum colligatum nullis confederatiis asserebat; nec tuam etiam Excellentiam latere credimus, quod, sicut pars tua conquerebatur de attemptatis per partem dicti Regis, tam in prædictis Britanniae, quam Valconia, & aliis partibus, contra prædictas Treugas, ita etiam, ex adverso, pars Regis prædicti asserebat, quamplurima per tuos & partem tuam attemptata fuisse in eisdem, & alii partibus, & in mari, etiam contra formam & tenorem Treugarum ipsarum, super attemptatis hujusmodi diversis articulis exhibitis hinc & inde. Directis autem per nos litteris nostris Regi præfato, super reparatione attemptatorum ipsorum pro parte tua prædictorum, Rex idem, super hoc respondens, nobis per suas litteras intimavit, se velle inviolabiliter observare dictas Treugas, & facere attemptata quæcumque per partem suam, si qua essent, dum tamen tu idem de attemptatis per partem tuam fieri faceres, penitus revocari. Et nihilominus litteris nostris super eo Regi præfato directis, quod ipse dilectum Filium, nobilem Virum Carolum de Blesis, se afferentem Duxem Britanniae, juvare super his, quæ per eum audiebamus in Britannia fieri, dicebatur, per suas alias litteras nobis sæpe respondit, quod ipsi Carolo, nec in gente, nec in pecunia, nec in aliis quibuscumque, aliquale auxilium præbuerat, aut juramentum, & hoc idem, dilectus Filius, nobilis Vir Johannus ejusdem Regis Primogenitus, Dux Normanniae, verbotenus constanter & frequenter afferuit in nostra præsentia constitutus. Cumque nos etiam eidem Carolo super observatione Treugarum efficaciter scripsissimus, ipse ad nostram præsentiam se conferens subsequenter, prefectoribus præfatis Prænestinensi & Tusculanensi Episcopis, afferuit, se nunquam Treugas prædictas aliqualiter inivisse, nec fuerat super hoc requisitus; afferens, quod secundum verba in accipiendois Treugis apposita, non debebat nec poterat in eis modo aliquo comprehendendi, prout etiam tuis Nunciis in Curia existentibus, ante recessum ejusdem Caroli, duximus seriosius explicandum. Demum cum super reformatione attemptatorum contra ipsas Treugas, de quibus conquerebantur utriusque partis Nunci, exhibitis diversis Articulis, ut præmititur, hinc & inde, qualiter valeret utilius fieri, ageretur; quamquam Nos id auctoritate Apostolica, ex nostri officii debito, maximè cum Religione juramenti firmata inter cetera fuerint ipsæ Treuge, facere valeremus; tamen propter multa vitanda scandala, & certas caufas alias, expedientius vifum fuit, quod de voluntate ac consensu partium procederemus ad ea. Et licet per nos dictis Nun-

ciis dictum fuerit, quod, attentis Articulorum super attemptatis eisdem diversitatibus, & evolutionibus ex illis procedentibus, quæ longam & diffusam indaginem exigeant, sic faciliter & utiliter ad Tractatum pacis & Reformationem attemptatorum ipsorum simul procedi poterat, sicut solum ad reformationem attemptatorum prædictam; nota tamen dicta fuerit per ipsos tuos Nuncios super litteris opportunitis, per Te, ac Regem prædictum concedendis, nobisque mittendis, super revocatione attemptatorum hujusmodi per nos, ut premititur, facienda; quam notam eidem Regi Franciæ misimus, qui litteras, secundum eam confectas, & suo sigillo sigillatas, promptè ac liberè absque præfinitione termini nobis misit. Tu vero, Fili præcarissime, tuas ad nostras destinasti super hoc litteras, sed adeò brevem terminum continentes, quod à tempore præsentationis earum computando, infra illum vix potuisset benè ac commodè hujusmodi Reformationis negotium inchoari. Cæterum ad ea, quæ de Nuncio nostro, misso in Britanniam, arguendo facta sua, prædicta tuae littera subiungebant, breviter respondemus, quod nos displicenter auditio, nonnulla contra prædictas Treugas in dictis partibus Britannia attemptari, prædictum Nuncium, pro eis observari tenacius faciens, ad partes ipsas providimus destinandum; qui sicut nobis sæpe relatum extitit, se quantum poterat cum justitia, & reperiebat favorabiliter partitæ, gessit, de quo dictus Carolus per litteras & Nuncios nobis graviter est conquestus. Si vero aliqua injusta vel injuria facit idem Nuncius, ignoramus; sed statim, auditæ de ipso querelâ tuarum gentium, ipsum revocavimus, quamvis se per suas litteras multum super hoc excusaverit; & deinde rediens ad Sedem Apostolicam verbo tenus se excusat; & si nobis innotuerint aliqua de prædictis, ipsum correxissimus, & adhuc, si nobis de illis constaret, corrigeremus, justitia exigente. Sed de civitate Venetensi, quæ secundum tenorem Treugarum ipsarum, in manibus Nunciorum nostrorum prædictorum, nomine nostro, & Ecclesiæ Romana, remansit, & toto tempore Treugarum eodem nomine teneri debuit & etiam gubernari, & de qua in fine Treugarum suam poterant iidem Nunci facere voluntatem. Quam, illi de parte tua, expulsi de ipsa illis, qui eam nostro & Ecclesiæ Romana nomine tenebant & regebant violenter & turpiter, in nostrum & ejusdem Ecclesiæ contemptum & opprobrium, veniendo contra Treugas, notoris occuparunt, mentionem eadem tuae litteræ non fecerunt prædictæ; Attendat autem tua Regalis Circumspectio, si haec debeamus & possimus sub dissimulatione conniventibus oculis pertransire. Denique, cum dilecto Filio, nobili Viro, Henrico Comite Derbeyæ caufa devotionis suisque aliis opportunitatibus, ad Sedem veniente Apostolicam, ac à nobis latanter & benignè recepto, super modis & viis quibus melius, utilius, & facilius posset attingi ad pacis reformationis prædictæ scopum, tractatus habuimus familiariter & secretè; & attendentes diligenter, quod tu, Fili dilectissime, quem distributor gratiarum omnium multis virtutibus decoravisti, ad prosequendum Dei negotium adversus hostes Fidei Christianæ, inter ceteros Principes Catholicos Orbis terræ, valde idoneus existebas, perpendimus, & in tractatibus familiaribus & secretis hujusmodi revolvimus, Nos & Comes prædictus, quod per viam Palagiæ, ad liberandam de manibus infidelium

A N N O  
1345.

ANNO  
1345.

Terram Sanctam, defendendamque & dilatandam in partibus Transmarinis fidem Catholicae ad pacis reformationem predicata, via facilior, & honorabilior videbatur; quodque contemplatione ipsius negotii Transmarini, ob honorem Divini Nominis, multa, quae alias essent difficilia, facilia, largiente Domino, redderentur. His autem & aliis multis utilibus, inter Nos & Comitem supradictum, sub-familiari & secreto Tractatu hujusmodi, collocutis, idem Comes, de Romana Curia cum gratia nostra benedictionis recedens, & ad partes Angliae tamque praesentiam se conferens, praemissa, per nos & ipsum tractata, & collocuta, ut præmititur, tuae Celsitudini exposuit seriose, sicut nobis per suas litteras, & dilectum Filium Jo-hannem de Ripis, Ordinis Beatae Mariae de Monte Carmelo, Pœnitentiarium nostrum, tunc Confessorem suum & Nuncium, studuit intimare. Verum quia idem Nuncius se habere afferuit in mandatis, ut dilecto Filio, Johanni Offorde, Decano Ecclesie Lincolniensis, tunc in Romana Curia existenti, aperiret praemissa, & super hoc, tam tuas Regias, quam ipsius Comitis litteras directas Decano praesentasset praedicto. Nos eisdem, Decano & Nuncio ad nostram praesentiam evocatis, & aliqui super praedictis habita collatione cum eis, nobis & ipsis concorditer vistum fuit, quod, antequam appropinquaremus ad locum, de quo nobis scriperat dictus Comes, propter multas utilitates, quas tibi per eundem Nuncium explicare voluimus viva voce, honori nostro & commodo negotiorum hujusmodi expediens admodum videbatur, nos de intentione partium, ne labor nostrar effet delusorius vel inanis, aliqua magis specificè praesentare; Quamobrem praefato Comiti inscripsimus, ut de intentione tua super praedictis nos sub secreto certiores efficeremus procurare, quia parati eramus, sicut condixeramus cum ipso, efficaciter laborare. Postmodum autem, dilecti Filii, Johanne de Thoresby, Canonico Lincolniensis, & nobilis Vit Radulphus Pigornel, miles, tuae Celsitudinis Nuncii ad nostram praesentiam cum litteris suis Regis de credentia venientes, & quæ inter nos & dictum Comitem prolocura & tractata, sicut præmissum est, & tibi per eum plenius exposita fuerant, pro parte Regia, sub commissa sibi credentia, recensentes apud nos institerunt, ut ad locum, de quo nobis praefatus Comes scriperat, appropinquare vellemus; Quibus nos respondimus, & tibi Fili carissime duximus per nostras litteras respondendum, quod in his, quæ inter nos & memoratum Comitem collocuta & tractata fuerant, ut praesertim, persistebamus, & persistere intendebamus veraciter & conitanter, ac circa Reformationem dictæ pacis, & promotionem negotii dicti Paßagii, ad quæ afficiebamur, & afficiemur plenis affectibus, inter cetera ferventia vota nostra, eramus laborare parati, etiam ad locum accedendo praeditum, non parcendo maximis exinde securis laboribus & expensis. Sed, sicut cum praefatis Decano & Johanne de Ripis condixeramus, & Comiti rescriferamus praedicto, hujusmodi appropinatio nequaquam expediens videbatur, quoisque de tua & Regis praedicti essemus intentionibus super his magis specificè informati. Quapropter tuam Excellentiam rogandam duximus & hortandam, ut attentis bonis ejusdem pacis inenarrabilibus, & negoti dicti Paßagii commodis & honoribus, te nobis velles sub secreto aperire praedicto; quia nos procurare intendebamus, quantum bono modo

possemus, quod Rex praedictus se nobis, super sua intentione, similiter aperiret; ut si videmus materiam ad viam pacis praedictæ dispositam, tam ad appropinquationem praedictam, quam ad alia, quæ per nos fieri possent, in hac parte, commodiū, libenter, & placidè nos disponere valeremus. Post recessum autem Nunciorum tuorum predictorum de Curia, intellecto & nobis intimato, quod, facta tibi relatione de his, quæ responderamus ipsis Nuncii, & perceptis per te, quæ nostræ inde tibi & dicto Comiti directæ litteræ continebant, salubri & sane dūtus consilio, eundem Comitem & dilectum Filium, nobilem Viruni, Bartholomæum de Burgash, Nuncios tuos idoneo mandato suffulisti, ac de intentione tua hujusmodi plenius informatos, ad nostram pro præmissis ordinaveras præsentiam destinare. Nos volentes veritatem & æquitatem in omnibus observare, præfato Regi, cui antea nihil de præmissis per nos detectum fuerat, scriptum super his, sicut vidimus expedire; & nihilominus, ut secretiū sibi aperirentur praedicta, venerabilem Fratrem nostrum, Guidonem Episcopum Eduensem propterea providimus specialiter ad ejus præsentiam destinandum. A quo quidem Rege rēspōsum recepimus nobis gratum, videlicet, quod mox, dum ipse audiret tuos praedictos Nuncios, mare veniendo ad eandem nostram præsentiam transmisisti, suos solennes Nuncios, sufficienti portestate munitos, & de sua intentione plenè instrutos ad eandem nostram præsentiam mittere non tardaret.

Cumque, concessis per nos & Regem præfatum litteris de conductu securo pro suis praedictis Nunciosis eorumque familiis & rebus juxta formam, quam alii tui Nuncii, qui tunc erant in Curia, dictaverunt, Nunciorum tuorum predictorum cum gaudio & ingenti desiderio præstolarem adventum, supervenerunt rumores displicibiles, Citharam exultationis in luctum tristitia, pro dolor converentes, scilicet, quod praedicti non venirent Nuncii, nec illos vel alios mittere intendebas, & nihilominus alii tui Nuncii, qui tunc erant, ut præmititur, in Curia, recesserunt abinde. Ponderet igitur Circumspectio Regia, cogite & recognoscite diligenter, cui, si ad præmissa, utique sancta, salubria, honorabilia, & valde utilia, processum non extitit, culpa merito debeat imputari.

Et si, attentis his quæ superius narrata sunt, veritate utique fultis & subsisteribus, sicut tua Prudentia Regia planè novit, Treugas prædictæ per partem Regis ejusdem dici possint, prout in praedictis suis litteris scribitur, violatae, nobis impingi valeat, quod negligentes vel remissi fuerimus super remedis apponendis: Et si etiam tui Consiliarii sane tibi consilio susserint, quod contra easdem Treugas, per te juratas, sic inconsulte venires, teque Judicem faceres, per Regem præstatum ruptas ipsis Treugas in eisdem suis litteris afferendo; præserimus cum, sicut præmissum est, utraque pars conquereretur, & exhiberet Articulos, super attemptatis & reformatione ipsorum. Et si nobis, qui, licet insufficientibus meritis, locum tenentes in terris Regis pacifici & excelli, prædicare, procurare, fovere, ac nutritre pacem debemus inter cunctos Christicolas, ac guerras, dissensiones, & odia tenemus quantum possumus extingui, ac de medio fidelium removere, quique pro pace tua, & dicti Regis, sicut præmissum est, cordialiter & fideliter labaravimus & laborare intendimus, scribi debuit dissidatio supradicta. Et nihilominus, si atten-

debant

ANNO  
1345.

ANNO  
1345.

debant litterarum compositores prædictarum, ponendo dictam diffidationem in eis, quod nos, qui pacem evangelizare cupimus & debemus, & specialiter ad pacem prædictam cordialiter afficimur, ut præfertur, guerrarum & difensio-  
num existeremus Nuncii & Præcones, quorum in hac parte cogitatus, si talis forsitan fuerit, temerarius extitit, procul dubio præsumptuosus, damnabilis & inanis. O Fili prædilectissime! utinam intrâ præcordia Regia revoltes diligenter, quanta tuæ salutis merita, quantæque laudis præconium, & honoris cumulum acquireres, & celebris memoria gloriari in tuo nomine poneres, si reformata cum eodem Rege pace rationabili, ad quam purâ, justâ, & rectâ intentione dirigebamus, & dirigimus felicitudinis nostræ studia, ut præfertur, ad prosequendum Dei negotium, ad quod te Creator omnium aptum fecit, & nos attentis universis circumstantiis, ut sœpe diximus, non indignè, reputamus valde idoneum, te, inclite memorie, Progenitorum tuorum Regum Anglia clara sequendo vestigia, disponeres cum effectu, ut exerceres adversus hostes Fidei Catholice vires tuas. Porro acerbitate mentis & dolore cordis affligimur, quod aliqui, qui forsitan sua magis querunt venari lucra propria, quam intendere tuis honoribus & saluti, te deviasse videntur ab hujusmodi proposito, & ad illa, quæ Deo displicent, tuisque commodis, honoribus, & saluti non convenienti, proh dolor! induxisse. Quantum autem acceptum sit Deo negotium defensionis & dilatationis Fidei Orthodoxæ, ceptum in Transmarinis partibus contra Turchios, clares ex stupendis miraculis, quæ Divinæ pietatis clementia, in diversis partibus, pro dicto negotio, sicut ad nos fide digna tam verbalis quam litteralis relatio pertulit, operatur. Habet, nempe, ipsa relatio, quod Cruces fulgentes in plerisque apparuerunt partibus, ad quas concurrentes Fideles multa sanitatis beneficia, illi videbile, qui gravabantur infirmitatibus, reportarunt. Ex quibus intelligentes multi Nobiles & Potentes, se per hoc ad vindicandas crucifixi Redemptoris injurias invitari, multitudine eorum innumerabilis, & specialiter de partibus Italæ, nonnullis ex eis, videlicet, commissa patricidia, fratricidia, & alia delicta gravia, pro reverentia Redemptoris, in diversis locis, sibi adiuvicem remittentibus, pacemque reformatibus, ad partes Ultramarinas contra Turcos prædictos cum armorum potentia se accinxerunt haetenus & accingunt. Nec, quod ulterius eadem relatio ad nos lætanter perduxit, prætermittendum credimus vel silendum, quod post felicem transitum, bonæ memoriae Henrici Patriarchæ Constantinopolitanæ, Apostolica Sedis Legati, occisi ab infidelibus, supra turrem civitatis Smirnenæ, quam, dum viveret, inhabitabat Patriarcha prædictus, & quæ turris Patriarchæ vulgariter dicitur, lux magna visa est plures, ad prosecutionem operis Dei strenuam corda fidelium excitans & inflammans. Agere namque bella talia decet Principes Catholicos & devotos, non ad effundendum Redemptorum pretioso cruento Dominico sanguinem inhiare. Rogamus itaque Celsitudinem tuam Regiam, & in Domino attenti exhortamur, tibi nihilominus, sub virtute juramenti præstiti super eisdem Treugis, injungentes, quatenus civitatem prædiciam Venetensem in manibus Nunciorum nostrorum prædictorum nomine nostro regendam, in statu quo erat tempore occupationis & dejectionis illorum, qui eam nomine, ut præ-

fetur, regebant, tandem reduci facias tenetam pro toto tempore Treugarum ipsarum, & regendam modo & forma expressis in Treugis supradictis. Et nihilominus ad observationem Treugarum earundem, omnis hostilibus & bellicis aggressionibus & insultibus, redreas, easque pro toto tempore ipsarum, videlicet, usque ad instans festum Beati Michaelis & abinde usque ad annum continuum, pro parte tua observes inviolabiliter, & facias observari; cum per eundem Regem idem velimus fieri, & inde sibi scribamus per litteras opportunas. Pro certo scitur, Fili præcarissime, quod negligere nequibimus, quod minus, attensis Treugarum ipsarum utilitatibus, & tam juramenti, quam aliis firmatibus, quibus corroboræ fore noscuntur, contra fractores & violatores earum, prout rationis fuerit, & ad nostrum pertinebit officium, procedamus. Postremo precibus & exhortationibus eisdem affectu paterno addicimus tuam Excellentiam, per Dei misericordiam obsecrantes, ut ad dictæ pacis Tractatum redreas, & pia mentis affectione intendas, tuos idoneos Nuncios, plena potestate suffulcos, pacisque prædictæ voluntarios, ac ipsius zelatores fideles & servidos, ad nostram præsentiam propterea destinando; quia pro certo, sicut sœpe diximus, Nos cum rectâ intentione solum Deum habendo pro oculis, modos & vias, ad laudem Dei, commodum negotii Fidei, ac utriusque partis honorem & utilitatem, non dirigendo, quoad hoc, affectum nostrum ad unam partem plus quam ad aliam, sed librando dumtaxat stateram veritatis & justitiae, perquirere, tractare, ac prosequi studebimus, quantum cum Deo expedire videbimus, aliis postpositis negotiis & laboribus non vitatis; & super his dicto Regi scribere intendimus, ipsumque, pacis faciente auctore, reperire cupimus super his benevolum & benignum. Sic te, Fili carissime, super præmissis & eorum singulis, quæsumus, persuasus quod Deum tibi constitutas proprium, & affectua pacis dulcedine Redemptoris ejusdem obsequis intendere valeas, sicut te votivè appetere audivimus, & nos etiam affectamus; exinde coronam regni perpetui, præter laudis humanæ præconium, feliciter percepturus. Rursus, Fili amantissime, quia tuæ voluntatis propositum, utinam favorable & benignum, scire super his affectamus, quæsumus, ut de illo nos certiores efficere quanticus non postponas.

Datum Avinioni duodecimo Calendas Augusti, Pontificatus nostri anno quarto.

A. de Lauac.

Frates Hospitalis B. Mariæ de Caritate in Diocesi Catalaunensi sub ordine & regula Sancti Augustini constituit: anno 1347.

ANNO  
1345.

IV.  
Ex Martene Anecl.  
Tom. I.  
col. 1392.

## CLEMENS EPISCOPUS,

Servus Servorum Dei, Venerabili Fratri Episcopo Catalaunensi Salutem, & Apostolicam benedictionem.

Desiderantes statum Hospitalium, & aliorum piorum locorum quorumlibet regi